

**BOSNA I HERCEGOVINA  
FEDERACIJA BOSNE I HERCEGOVINE  
UNSKO-SANSKI KANTON  
OPĆINA VELIKA KLADUŠA**

---



**DOKUMENT OKVIRNOG BUDŽETA (DOB)  
OPĆINE VELIKA KLADUŠA  
ZA PERIOD 2027-2029. GODINA**

Velika Kladuša, juni 2026. godine

Na osnovu člana 15., 16., 17. i 18. Zakona o budžetima u Federaciji Bosne i Hercegovine („Sl. novine Federacije BiH“, br. 102/13, 9/14, 13/14, 8/15, 91/15, 102/15, 104/16, 5/18, 11/19, 99/19, 25a/22, 7/25 i 6/26) i člana 43. Statuta općine Velika Kladuša („Službeni glasnik općine Velika Kladuša“, broj: 12/11) Općinski načelnik općine Velika Kladuša, donosi

## **DOKUMENT OKVIRNOG BUDŽETA (DOB) OPĆINE VELIKA KLADUŠA ZA PERIOD 2027-2029. GODINA**

### **Poglavlje 1 – Uvod**

U skladu sa odredbama Zakona o budžetima u Federaciji Bosne i Hercegovine obaveza Službe za finansije je izrada Dokumenta okvirnog budžeta Općine Velika Kladuša (DOB) za trogodišnji period koji predstavlja projekciju budžetskih prihoda i rashoda i izdataka kao i preliminarni okvir za izradu Nacrta budžeta općine Velika Kladuša za slijedeću godinu. Dokument okvirnog budžeta za period 2027 – 2029. godina izlaže fiskalnu strategiju i budžetske planove za slijedeće tri godine i ima za cilj da razvije bolju stratešku osnovu za pripremu budžeta. Temelji za izradu budžeta zasnivaju se na procjeni privrednog razvoja, potrebama socijalnoga sektora, makroekonomskih pokazatelja, te procjeni prihoda i rashoda za godine koje su obuhvaćene DOB-om.

Zakonom o budžetima u Federaciji BiH uspostavljeno je srednjoročno planiranje kao kontinuiran proces koji počinje donošenjem smjernica ekonomske i fiskalne politike Vlade Federacije BiH u skladu sa kojim se projicira ekonomski i fiskalni položaj općine u trogodišnjem periodu, a završava odobrenim konačnim budžetom i procjenama za buduće dvije godine.

Također, Zakonom o budžetima u FBiH propisan je budžetski kalendar kojim su utvrđeni rokovi za svaku fazu budžetskog planiranja i kojim je predviđeno da DOB, kao jedinstven dokument, vlada odnosno načelnik razmatra i usvaja do 30. juna tekuće godine.

Postupak pripreme DOB-a počinje dostavljanjem instrukcije broj 1. o načinu i elementima izrade DOB-a koja sadrži osnovne ekonomske pretpostavke i smjernice za pripremu DOB-a, tabele pregleda prioriteta budžetskih korisnika, te dinamiku i rokove pripreme DOB-a.

Služba za finansije, računovodstvo i javne nabavke je pristupila izradi Dokumenta okvirnog Budžeta Općine Velika Kladuša za period 2027-2029. godina u skladu sa propisom. Dana 25.02.2026. godine Služba je aktom, broj: 05-11/5-532/26 uputila svim budžetskim korisnicima i službama Jedinstvenog općinskog organa uprave općine Velika Kladuša Instrukciju broj 1. odnosno instrukciju za izradu DOB-a za period 2027 -2029. godine.

Na osnovu navedene instrukcije, a prema odredbama člana 15. Zakona o budžetima u Federaciji BiH budžetski korisnici su svoje tabele prioriteta sa obrazloženjem trebali dostaviti službi do 15.04.2026. godine. Do ostavljenog roka samo su budžetski korisnici JU Centar za socijalni rad i Općinsko pravobranilaštvo dostavili svoje prijedloge za izradu DOB-a.

Nakon toga, Služba za finansije, računovodstvo i javne nabavke je pristupila izradi DOB-a poštujući rokove propisane Zakonom o budžetima u FBiH na osnovu podataka koji su joj u istom momentu bili na raspolaganju.

DOB za period 2027-2029. godine je urađen na bazi:

1. Projekcija prihoda od indirektnih poreza iz raspodjele sa Jedinstvenog računa
2. Izvještaja o izvršenju budžeta općine Velika Kladuša za 2024. i 2025. godinu, te usvojenom Budžetu općine Velika Kladuša za 2026. godinu.

Služba za finansije, računovodstvo i javne nabavke općine Velika Kladuša predlaže Općinskom načelniku da razmotri i usvoji Dokument okvirnog budžeta općine Velika Kladuša za period 2027– 2029. godina, kao osnov za pripremu, planiranje i izradu budžeta i finansijskih planova u Općini Velika Kladuša za fiskalnu 2027. godinu.

## **Poglavlje 2 - Srednjoročne makroekonomske pretpostavke i prognoze**

Dinamiku ekonomskog rasta u Bosni i Hercegovini u najvećoj mjeri diktiraju vanjski faktori. S tim u vezi, Direkcija za ekonomsko planiranje (DEP) izradila je Makroekonomske pokazatelje na nivou Bosne i Hercegovine za period 2023-2028. godina. Makroekonomski pokazatelji na nivou Bosne i Hercegovine za period 2024-2029. godina dati su u slijedećem pregledu:

Indikator	Zvanični podaci		Projekcije			
	2024.	2025.	2026.	2027.	2028.	2029.
Nominalni BDP u mil. KM	55.091	59.440	62.895	66.115	69.602	73.486
<b>Nominalni rast u %</b>	6	7,9	5,8	5,1	5,3	5,6
BDP deflator (prethodna godina = 100)	103,4	105,7	103,7	102,5	102,2	102,1
Realni BDP u mil.KM (prethodna god=100)	53.300	56.247	60.651	64.521	68.101	71.987
<b>Realni rast u %</b>	2,6	2,1	2	2,6	3	3,4
Inflacija mjerena indeksom potrošačkih cijena u %	1,7	4	4,1	2,2	2,1	2
Potrošnja u mil. KM	47.560	50.700	53.459	56.068	58.546	61.292
<b>Realni rast u %</b>	4,1	2,2	1,6	2,1	2	2,3
Vladina potrošnja u mil. KM	10.524	11.471	11.896	12.729	13.518	14.329
<b>Realni rast u %</b>	2,8	2,8	2,2	1,9	2,1	1,9
Privatna potrošnja u mil. KM	37.036	39.229	41.563	43.340	45.028	46.963
<b>Realni rast u %</b>	4,4	2	1,4	2,1	2	2,4
Investicije (bruto) u stalna sred. u mil. KM	13.097	14.194	14.962	16.024	17.154	18.395
<b>Realni rast u %</b>	10,2	5,2	3,3	5,4	5,5	5,7
Vladine investicije u mil. KM	1.831	2.106	2.306	2.520	2.772	3.049
<b>Realni rast u %</b>	16,9	11,7	7,2	7,4	7,7	7,7
Privatne investicije u mil. KM	11.266	12.088	12.656	13.504	14.382	15.346
<b>Realni rast u %</b>	9,2	4,2	2,6	5	5,1	5,3
Uvoz u mil KM	29.057	30.602	31.878	33.548	35.429	37.416

<b>Nominalni rast u %</b>	4,5	5,3	4,2	5,2	5,6	5,6
<b>Realni rast u %</b>	4,7	5,2	2,6	3,5	4,1	3,1
Izvoz u mil KM	21.879	23.133	24.033	25.177	26.640	28.188
<b>Nominalni rast u %</b>	-0,2	5,7	3,9	4,8	5,8	5,8
<b>Realni rast u %</b>	-1,6	2,6	1,9	3,2	4,2	3,2
Nacionalna bruto štednja u % BDP-a	23,1	23,9	24,2	24,3	24,7	25,3
Bilans tekućeg računa u mil KM	-1.860	-1.994	-2.088	-2.371	-2.631	-2.866
<b>Rast u %</b>	74,4	7,2	4,7	13,6	11	8,9
Bilans tekućeg računa u % BDP-a	-3,4	-3,4	-3,3	-3,6	-3,8	-3,9

*IZVOR: Direkcija za ekonomsko planiranje (DEP), mart 2026. godine (dobijenih posredstvom Ministarstva finansija USK-a od Federalnog ministarstva finansija).*

Prema projekcijama DEP-a, na bazi raspoloživih podataka i makroekonomskih modela, u Bosni i Hercegovini se u 2026. godini može očekivati realni rast BDP-a od oko 2%. Glavne pretpostavke u osnovnom scenariju ekonomskih kretanja u Bosni i Hercegovini za 2026. godinu predstavljaju: stabilizacija eksternih dinamika u vanjskom okruženju i internih dinamika u zemlji. Očekuje se da će domaća tražnja predstavljati glavnu osnovu projektiranog ekonomskog rasta, uz nešto pozitivniji doprinos vanjskog sektora u odnosu na prethodnu godinu. Projektiran je realni rast privatne potrošnje od 1,4% te realni rast javne potrošnje od 2,2%.

Prema projekcijama DEP-a, važnu odrednicu za ekonomska kretanja u Bosni i Hercegovini u narednom periodu, pored internih dinamika, predstavljaju i ekonomska kretanja u vanjskom okruženju, naročito u zemljama EU. U dokumentu makroekonomskih projekcija iz marta 2026. godine se navodi da se negativne ekonomske posljedice proteklih i trenutnih globalnih nestabilnosti (pandemija virusa korona, sukobi u Ukrajini i Bliskom istoku, svjetska energetska kriza i dr.) manifestuju kroz trgovinske, finansijske i cjenovne šokove u svijetu i BiH.

Prema projekcijama DEP-a u osnovnom scenariju za period 2027-2029 u BiH se može očekivati realni ekonomski rast od oko 3% na godišnjem nivou (2027: 2,6%, u 2028: 3% i u 2029: 3,4%).

Federalno ministarstvo finansija je dostavilo revidirane projekcije javnih prihoda za 2026. godinu i projekcije za period 2027-2029. godina.

Geopolitička nestabilnost na Bliskom istoku rezultirala je znatnim poskupljenjem energenata. U promatranom razdoblju, počevši od sredine prosinca prethodne godine, cijene nafte povećale su se za čak 84 %. Zbog sukoba SAD-a, Izraela i Irana, cijena plina (LNG) u Europi gotovo se udvostručila. Glavni uzrok nesigurnosti je Hormuški tjesnac, kroz koji prolazi petina svjetskog plina (većinom iz Katara), a koji je sada pod rizikom. Situaciju u Europi dodatno otežava činjenica da su zalihe plina trenutačno na rekordno niskim razinama. Ratna zbivanja donijela su veliku neizvjesnost koja koči svjetsko gospodarstvo, istodobno povećavajući opasnost od daljnjeg rasta cijena. Nakon rasta od 3,6 % u 2025. godini očekuje se postupno usporavanje rasta na 3,3 % u 2026. godini te na 3,2 % u 2027. godini dok bi u 2028. godini stopa rasta trebala ostati stabilna i iznositi 3,3 %. Iako su visoke cijene energije poticale inflaciju, taj je utjecaj ove godine ublažen nižim carinama. Predviđa se da će se globalna inflacija u 2026. godini zadržati na stabilnih 3,1 % (isto kao i u 2025.), nakon čega bi trebala postupno opadati – na 2,7 % u 2027. godini te na 2,5 % u 2028. godini.

Što se tiče daljnjih kretanja, očekuje se da će šok cijena energije i sve veća neizvjesnost uzrokovana ratnim sukobima nepovoljno utjecati na kupovnu moć stanovništva kao i na povjerenje potrošača. No, pretpostavka o ograničenom sukobu na Bliskom istoku upućuje na zaključak da će nepovoljan učinak rata na rast u europodručju biti usmjeren na kratkoročno razdoblje. Naime, kako stope štednje prestaju rasti, očekivano je ponovno povećanje osobne potrošnje. Procjenjuje se da će se godišnja stopa rasta u 2026. smanjiti na 0,9 % (s 1,5 % u 2025.), te da će se potom, uz oporavak domaće potražnje, povećati na 1,3% u 2027. i 1,4% u 2028. Također se predviđa da će potrošnja kućanstava u kratkom roku biti slabija, ali bi u srednjoročnom razdoblju trebala rasti. Nakon pada zbog više inflacije u 2026. godini, rast osobne potrošnje u srednjoročnom bi razdoblju trebao biti poduprt snažnijim rastom realnih plaća i otpornim tržištem rada.

Ulaganja bi, unatoč početnom slabljenju zbog rata, trebala porasti, potaknuta većom domaćom i inozemnom potražnjom, povećanom potrošnjom na obranu i infrastrukturu, smanjenjem neizvjesnosti, povoljnijim uvjetima financiranja i jačanjem dobiti. Očekuje se da će domaću potražnju kontinuirano podupirati fiskalni poticaji usmjereni na obranu i infrastrukturu. U osnovnim projekcijama predviđa se da će se inflacija u europodručju, mjerena Harmoniziranim indeksom potrošačkih cijena (HIPC), povećati s 2,1 % u 2025. na 2,6 % u 2026. godini, nakon čega bi se trebala smanjiti na 2,0 % u 2027. te iznositi 2,1 % u 2028. godini.

Ekonomska perspektiva Bosne i Hercegovine za razdoblje 2027 - 2029. godine bit će primarno determinirana interakcijom vanjskih makroekonomskih varijabli i unutarnjih institucionalnih performansi. Zbog visokog stupnja trgovinske otvorenosti, gospodarstvo Bosne i Hercegovine usko je povezano s dinamikom rasta u zemljama Europske unije (posebno Njemačkoj, Italiji i Austriji). Projektirani oporavak ili stagnacija u tim gospodarstvima izravno će utjecati na domaći izvozni sektor, industrijsku proizvodnju i priljev inozemnih izravnih ulaganja. Geopolitičke nestabilnosti te volatilnost cijena energenata i sirovina na svjetskom tržištu predstavljaju glavne rizike koji mogu utjecati na domaću inflaciju. Također, unutarnji rast ovisit će o učinkovitosti provedbe reformskih agendi. Fokus je na unaprjeđenju poslovnog okružja, digitalnoj transformaciji te energetske tranziciji (usklađivanje s mehanizmom CBAM). Osim toga, značajnu odrednicu rasta u srednjoročnom razdoblju predstavljat će i sposobnost institucija da učinkovito apsorbiraju sredstva iz Plana rasta EU-a za Zapadni Balkan, što bi trebalo i značajno ubrzati konvergenciju prema Europskoj uniji.

### **Poglavlje 3 - Srednjoročna porezna politika i prognoze direktnih i indirektnih poreza**

Početak 2026. obilježen je nulnim rastom neto prihoda od indirektnih poreza. Naglo poboljšanje trendova ostvareno je u februaru i martu 2026., sa mjesečnim stopama rasta neto prihoda od 14,1% i 11,8%, respektivno.

Razlog za lošiji start početkom godine su bile visoke isplate povrata PDV-a, a rast neto naplate indirektnih poreza u februaru i martu rezultat je kumulativnog pozitivnog trenda – rasta bruto naplate i smanjenih isplata povrata. Dodatni faktor rasta naplate u martu je bio početak rata sa Iranom, koji je potaknuo veći uvoz derivate nafte i ostalih dobara u cilju stvaranja zaliha i zadovoljenja rastuće potražnje u zemlji. Samo je povećani uvoz derivata nafte u martu naplatom akciza i putarine donio 2,6 p.p. rasta neto naplate indirektnih poreza u tom mjesecu.

Za razdoblje 2027-2029 DEP je projektirala približno jednake stope rasta BDP-a kao za 2026. godinu, na razini između 5,1%-5,6%. Sa druge strane, projektirane su dosta niže nominalne stope rasta potrošnje.

Projektirane stope rasta neto prihoda od neizravnih poreza za 2027., 2028. i 2029. godinu iznose 4%, 3,8% i 4,2%, respektivno. Projekcija prihoda u navedenom razdoblju zasnovana je na projektiranim relevantnim makroekonomskim pokazateljima, historijskoj sezonskoj shemi naplate i projekcijama pojedinih kategorija prihoda za 2026. godinu.

Analiza trendova naplate ukazuje na dugogodišnji rast prihoda od PDV-a. U godini uvođenja PDV-a (2006) naplaćeno je 2.483,8 mil KM neto prihoda od PDV-a. U svim narednim godinama, izuzev 2009. i 2020. godine, zabilježen je rast ovih prihoda. Visoke stope rasta bile su posebno izražene u godini nakon uvođenja PDV-a (2007), te u godinama koje su uslijedile nakon godine izbijanja pandemije virusa korona (2021 i 2022). Konačno, u 2025. godini je naplaćeno 6.611,6 mil KM neto prihoda od PDV-a, što predstavlja rast od visokih 4.127,8 mil KM ili 166,2% u odnosu na 2006. godinu. Prihodi od PDV-a predstavljaju najveći generator godišnjeg apsolutnog rasta ukupnih prihoda od neizravnih poreza u razdoblju 2026-2029. Nakon projektirane stope rasta od 9,1% u 2026. godini, u narednim godinama su planirane niže, stabilne stope rasta neto prihoda od PDV-a, u skladu sa projektiranim stopama rasta potrošnje. U razdoblju 2027-2029, neto prihodi od PDV-a projektirani su u skladu sa dugoročnim trendovima naplate, historijskom sezonskom shemom te projekcijama relevantnih makroekonomskih pokazatelja

Prihodi prikupljeni po osnovu indirektnih poreza (PDV-a, carinskih dadžbina i akciznih dažbina) se uplaćuju na Jedinstveni račun Uprave za indirektno oporezivanje nakon čega se raspodjeljuju slijedećim redom:

1. raspodjela na račun rezervi,
2. raspodjela sredstava za potrebno finansiranje institucija BiH,
3. raspodjela prihoda između entiteta i Brčko Distrikta i
4. otplata vanjskog duga.

Nakon raspodjele sredstava za otplatu vanjskog duga preostalo se raspodjeljuje između entiteta i nižih nivoa vlasti. U skladu sa Zakonom o pripadnosti javnih prihoda u FBiH („Službene novine FBiH“, broj: 22/06, 43/08, 22/09, 35/14, 94/15 i 17/22) prihodi sa Jedinstvenog računa koji pripadaju Federaciji BiH se dijele kako slijedi:

1. finansiranje funkcija Federacije 36,20 %,
2. finansiranje funkcija kantona 51,23 %,
3. finansiranje funkcija jedinica lokalne samouprave 8,42 %,
4. upravitelji cesta 3,90 %,
5. finansiranje funkcija grada Sarajevo 0,25%.

Projekcije prihoda od indirektnih poreza za kantone i općine/gradove rađene su prema utvrđenim koeficijentima raspodjele iz Uputstva o određivanju učešća kantona, jedinica lokalne samouprave i nadležnih kantonalnih ustanova za ceste u prihodima od indirektnih poreza i načina raspoređivanja tih prihoda za 2026. godinu objavljenog u („Službenim novinama Federacije BiH“ br. 89/25).

Zakonom o pripadnosti javnih prihoda u Federaciji BiH je detaljno regulirana raspodjela prihoda od indirektnih poreza između Federacije, kantona, jedinica lokalne samouprave i Upravitelja cesta, te puna primjena modela raspodjele prihoda po osnovu indirektnih poreza između svih nivoa vlasti u Federaciji BiH na osnovu propisane formule sa utvrđenim kriterijima iz Zakona o pripadnosti javnih prihoda, koja je i korištena prilikom izrade projekcija za sve nivoe vlasti.

Kad je u pitanju općina Velika Kladuša, stopa učešća u raspodjeli indirektnih poreza prema pomenutom Uputstvu o određivanju učešća kantona, jedinica lokalne samouprave i nadležnih kantonalnih ustanova za ceste u prihodima od indirektnih poreza i načina raspoređivanja tih prihoda za 2026. bilježi blagi pad u iznosu od 0,022%, tj, sa 1,875% na 1,853%.

#### **Poglavlje 4 - Projekcije prihoda**

U nastavku su date projekcije prihoda po osnovu indirektnih poreza, poreza na dohodak, poreza na dobit, Sektora za poreznu politiku i javne prihode proslijeđenih od Federalnog Ministarstva finansija posredstvom Ministarstva finansija USK-a.

I - Raspodjela prihoda od indirektnih poreza sa JRT-a za općine USK-a očekuje se u slijedećim iznosima za period 2026 – 2029. godina:

	PROJEKCIJE			
	2026	2027	2028	2029
Unsko-sanski kanton	316.381.958	333.769.944	350.260.466	370.322.252
<b>KANTON</b>	<b>265.871.457</b>	<b>280.483.445</b>	<b>294.341.249</b>	<b>311.200.163</b>
<b>OPĆINE (ukupno)</b>	<b>50.510.501</b>	<b>53.286.499</b>	<b>55.919.217</b>	<b>59.122.089</b>
Bihać	9.131.131	9.632.968	10.108.902	10.687.908
Bosanska Krupa	4.808.727	5.073.009	5.323.6551	5.628.572
Bosanski Petrovac	1.576.357	1.662.992	1.745.155	1.845.112
Bužim	3.785.772	3.993.834	4.191.156	4.431.212
Cazin	13.487.075	14.228.309	14.931.285	15.786.501
Ključ	2.829.896	2.985.424	3.132.924	3.312.368
Sanski most	7.122.953	7.514.423	7.885.686	8.337.353
<b>Velika Kladuša</b>	<b>7.768.589</b>	<b>8.195.541</b>	<b>8.600.457</b>	<b>9.093.064</b>

*Tabela 2. Projekcije prihoda od indirektnih poreza dostavljene od strane nadležnog Federalnog ministarstva finansija*

II - Prihodi od poreza na dohodak na nivou općina za period 2026 – 2029. godina, projiciraju se kako slijedi:

	PROJEKCIJE			
	2026	2027	2028	2029
Porez na dohodak				
Kanton	41.790.106	45.128.409	48.810.703	52.935.699
Općine/gradovi	21.972.643	23.727.876	25.663.974	27.832.838
<b>Ukupno:</b>	<b>63.762.749</b>	<b>68.856.285</b>	<b>74.474.677</b>	<b>80.768.536</b>

*Tabela 3. Projekcije prihoda po osnovu poreza na dohodak temeljene na historijskom trendu ostvarenja i projiciranom toku makroekonomskih indikatora za srednjoročni period*

Plan prihoda po osnovu poreza na dohodak rađen je na bazi historijskog trenda ostvarenja i procjena kretanja makroekonomskih pokazatelja, preuzetih od DEP-a. U navedeni plan nisu uključene eventualne izmjene postojeće porezne politike. Napomenuto je da plan prihoda po osnovu poreza na dohodak za općinske nivoe rađen prema zakonskom koeficijentu pripadnosti prihoda, koji može biti različit u zavisnosti od kantonalnog propisa raspodjele.

Kad je u pitanju Unsko-sanski kanton, općinama kantona pripada prihod po osnovu poreza na dohodak po zakonskom koeficijentu raspodjele utvrđenom federalnim propisom, tj. 34,46%, dok se za potrebe kantona zadržava 65,54% prihoda ubranog po ovom osnovu.

III - Prihodi po osnovu indirektnih poreza koji pripadaju Upravitelju cesta za period 2026-2029. godina dati su u slijedećoj tabeli:

Unsko-sanski kanton	PROJEKCIJE			
	2026	2027	2028	2029
Prihodi o indirektnih poreza sa Jedinštenog računa	14.307.668	15.094.001	15.839.748	16.746.997
Prihodi od namjenske putarine za finansiranje autocesta i cesta	3.424.139	3.513.342	3.618.977	3.741.827
<b>UKUPNO:</b>	<b>17.731.807</b>	<b>18.607.343</b>	<b>19.458.725</b>	<b>20.488.824</b>

Tabela 5. Projekcije prihoda za upravitelje cesta preuzete od strane Odjeljenja za makroekonomsku analizu Upravnog odbora Uprave za indirektno oporezivanje (OMA), april 2026. godine

Prihodi od indirektnih poreza koji pripadaju Upraviteljima cesta se dijele na način da 58% zadržava Upravitelj cesta, a 42% se raspoređuje na općine kantona a za potrebe održavanja, izgradnje, rekonstrukcije i ostalih potreba u vezi sa upravljanjem cestama na lokalnom nivou. Na općinu Velika Kladuša otpada 6,38% ovog prihoda. Stoga projekcija prihoda od Upravitelja cesta koja pripada općini Velika Kladuša izgleda ovako:

Općina Velika Kladuša	PROJEKCIJE			
	2026	2027	2028	2029
Prihodi o indirektnih poreza sa Jedinštenog računa	912.829	962.997	1.010.575	1.068.458
Prihodi od namjenske putarine za finansiranje autocesta i cesta	218.450	224.151	230.890	238.728
<b>UKUPNO:</b>	<b>1.131.279</b>	<b>1.187.148</b>	<b>1.241.465</b>	<b>1.307.186</b>

Tabela 6. Projekcije prihoda od Upravitelja cesta za period 2026-2029. godine.

Prihodi prikupljeni od Upravitelja cesta su namjenski prihodi i koriste se isključivo za održavanje, izgradnju, rekonstrukciju i druge oblike ulaganja u ceste na lokalnom nivou.

### **Poglavlje 5 - Prihodi budžeta općine Velika Kladuša**

Služba za finansije, računovodstvo i javne nabavke općine Velika Kladuša je projekciju prihoda u DOB-u općine Velika Kladuša za period 2027-2029. godinu pripremala na bazi ostvarenih prihoda u 2024. i 2025. godini, projiciranih prihoda (planiranih) za 2026. godinu i Projekcija koje su dostavljene od strane Ministarstva finansija USK-a za općine Unsko-sanskog kantona.

Naziv prihoda	Izvršenje 2024	Izvršenje 2025	Plan 2026	Projekcije		
				2027	2028	2029
<b>A.Porezni prihodi</b>	<b>10.692.934</b>	<b>12.271.715</b>	<b>14.131.701</b>	<b>14.427.689</b>	<b>14.871.922</b>	<b>15.574.850</b>
1.Porez na dobit	2.146	1.427	0	0	0	0
2.Porez na imovinu	1.348.560	1.581.577	2.500.000	2.130.000	2.220.000	2.270.000
3.Porez na dohodak	1.878.904	2.421.275	2.980.000	2.915.000	2.810.000	2.905.000
4.Prihodi od ind. poreza	7.460.407	8.266.883	8.651.701	9.382.689	9.841.922	10.399.850
5.Ostali porezi	2.917	220	0	0	0	0
<b>B.Neporezni prihodi</b>	<b>2.201.218</b>	<b>3.964.326</b>	<b>10.532.365</b>	<b>5.540.500</b>	<b>5.277.500</b>	<b>5.375.500</b>

1.Prihod od poduzetničke aktivnosti i imovine	72.821	108.575	85.500	93.500	98.500	103.500
2.Općinske administrativne takse	356.708	398.509	550.000	450.000	450.000	480.000
3. Općinske komunalne takse	494.521	319.145	600.000	300.000	320.000	330.000
4.Naknada za uređenje i korištenje gr.zemljišta	8.934	371.831	1.500.000	700.000	700.000	700.000
5.Naknada po osnovu prirodnih pogodnosti - Renta	2.538	223.202	1.510.000	510.000	490.000	510.000
6.Naknada po osnovu tehničkog pregleda građ.	12.700	25.970	100.000	75.000	75.000	75.000
7.Općinske komunalne naknade	239.427	815.716	1.550.000	1.000.000	1.020.000	1.040.000
8.Naknada za izgradnju javnih skloništa			100.000	50.000	50.000	50.000
8.a Naknada za izgradnju javnih skloništa – prenesena sredstva			560.000			
9. Naknada za korištenje državnih šuma	5.358	16.910	10.000	10.000	10.000	10.000
10. Naknada za zauzimanje jav. površina	38.631	30.114	150.000	80.000	80.000	80.000
11.Naknada za korištenje podataka i usluge katastra	133.807	172.431	450.000	370.000	350.000	370.000
12. Naknada za legalizaciju građevina		149.906	1.686.445	650.000	450.000	400.000
13.Vodne naknade	166.938	162.278	170.000	170.000	180.000	190.000
14. Cestovne naknade	274.516	286.523	325.000	325.000	335.000	345.000
15.Posebna naknada za zaštitu od prir.i dr.nesreća	139.472	198.986	150.000	150.000	150.000	160.000
15.a Posebna nakn.za zaštitu od pr.i dr.nesr.- prenesena sredstva		334.778	320.000	100.000		
16.Prihodi od pružanja usluga građanima	215.958	264.387	325.000	300.000	310.000	320.000
17. Ostale neplanirane uplate	16.880	68.639	208.500	107.000	102.000	102.000
18. Boravišna taksa		0	95.000	20.000	20.000	20.000
19. Novčane kazne	22.009	16.382	86.920	80.000	87.000	90.000
<b>C.Tekuće potpore (grantovi)</b>	<b>2.333.276</b>	<b>3.454.741</b>	<b>4.374.513</b>	<b>5.003.500</b>	<b>5.163.000</b>	<b>5.163.000</b>
<b>D.Kapitalne potpore</b>	<b>1.299.818</b>	<b>1.312.071</b>	<b>8.749.586</b>	<b>4.420.000</b>	<b>3.165.000</b>	<b>3.530.000</b>
<b>E.Kapitalni primici</b>	<b>200.000</b>	<b>569.534</b>	<b>802.832</b>	<b>110.000</b>	<b>60.000</b>	<b>10.000</b>
<b>F.Neraspoređeni višak prihoda i rashoda</b>			<b>683.080</b>			
<b>UKUPNO: (A+B+C+D+E+F)</b>	<b>16.727.246</b>	<b>21.572.387</b>	<b>39.274.077</b>	<b>29.501.689</b>	<b>28.537.422</b>	<b>29.653.350</b>

Tabela 7. Izvršenje poreznih i neporeznih prihoda i primitaka općine Velika Kladuša za 2024., 2025. godinu – plan za 2026. godinu i projekcije za period 2027-2029.

Očekivani nivo ukupnih poreznih i neporeznih prihoda, koji su na raspolaganju za finansiranje funkcija Budžeta općine Velika Kladuša iznosi 29.501.689 KM u 2027. godini. Projektovani nivo prihoda u 2028. godini iznosi 28.537.422 KM, a u 2028. godini 29.653.350 KM. Planiranje prihoda i primitaka u projekcijama za budući trogodišnji period radeno je dosta opreznije s obzirom da je plan za 2026. godinu bio jako ambiciozno postavljen, da su očekivanja iz dijela

urbanizma tj. od naknada koje se uplaćuju u postupku izdavanja odobrenja za građenje bila velika budući da postoji značajan broj zahtjeva u nadležnoj službi koji će se rješavati u nekom budućem periodu. Međutim, prema uputama viših nivoa vlasti, potrebno je predvidjeti što realnije punjenje prihoda budžeta jer u slučaju da se tokom izvršenja istih pokaže rast i ostvarenje neplaniranih prihoda, veoma lako se može pristupiti izradi rebalansa budžeta radi prihvatanja većeg priliva sredstava. Projekcija kapitalnih potpora i primitaka također je planirana na realnijim procjenama budući da se radi o nekom budućem periodu za koji se sa sigurnošću ne mogu prognozirati veći primici. Budući da kroz plan Budžeta za 2026. godinu u određenoj mjeri postoji pokriće u prenesenim sredstvima za dio njegovog izvršenja (sredstva CZ, skloništa i akumulirani suficit, namjenska sredstva za realizaciju kapitalnih projekata), planiranje prihoda i primitaka za naredne godine se bazira na projekciji prihoda, poreznih i neporeznih, sa što preciznijim/realnijim iznosima ostvarenja.

Kako je tokom 2025. i 2026. godine Općina počela uzimati učešće na gotovo svim javnim pozivima koje raspisuje Federacija i Kanton i gdje su određene aplikacije već odobrene sa značajnim finansijskim sredstvima, pretpostavka je da će se takav trend nastaviti i u narednom trogodišnjem periodu te je sukladno tome u dijelu kapitalnih potpora za naredni period planiran priliv grantova/potpora za finansiranje kapitalnih projekata općine Velika Kladuša utvrđenim Planom kapitalnih investicija Općine Velika Kladuša za trogodišnji period.

## **Poglavlje 6 - Rashodi i izdaci budžeta općine Velika Kladuša**

Prilikom projekcije rashoda i izdataka za naredne tri godine, uvažavajući date projekcije prihoda Službe za finansije, računovodstvo i javne nabavke, rashodi budžetskih korisnika (koji se odnose na plate i naknade, izdatke za materijal i usluge, tekuće i kapitalne transfere te kapitalne izdatke koji će se realizovati iz Budžeta općine Velika Kladuša) moraju se kretati u granicama projekcije poreznih i neporeznih prihoda (uključujući tekuće i kapitalne transfere, te planirane primitke).

Zahtjevi budžetskih korisnika za izradu Nacrta Budžeta za 2027. godinu koji se odnose na plate, naknade zaposlenih i doprinose bi se trebali kretati u granicama plana za 2026. godinu uvećane za cca najviše 5% s obzirom da nije planiran rast plaća uposlenih i predviđeno povećanje odnosi se na eventualno upošljavanje novih radnika i promjene u plaći u odnosu na obračun minolog rada uposlenih koji iznosi 0,6%. Izdaci za materijal i usluge bi se trebali planirati u približno istom iznosu sa određenim povećanjem u iznosima ne većim od 5% što se može temeljiti na porastu cijena roba i usluga na tržištu. Tekući grantovi su planirani u nešto manjim iznosima iz razloga što bi se subvencije javnim preduzećima u značajnoj mjeri ukinule, a eventualna davanja istima bi se usmjerila kroz realizaciju kapitalnih projekata u dijelu komunalne, vodovodne infrastrukture. Izdaci za tekuće transfere te kapitalne izdatke bi se trebali realizirati samo do iznosa primljenih sredstava od Kantona odnosno Federacije tokom posmatrane godine. Iz projekcija posebnih naknada i prihoda i naknada od cesta trebali bi se u istom iznosu planirati i rashodi za te svrhe kao što su: rashodi iz oblasti katastra koji se realizuju iz namjenskih prihoda po osnovu naknade za korištenje podataka i vršenja usluga iz oblasti katastra, rashodi iz oblasti Civilne zaštite koji se realizuju iz posebnih naknada za zaštitu od prirodnih i drugih nesreća, rashodi za usluge popravki i održavanja cesta koji se realizuju iz cestovnih naknada i prihoda koji pripadaju Direkciji cesta.

Iz ostalih posebnih naknada kao što su prihodi od iznajmljivanja javnih površina, naknade po osnovu prirodnih pogodnosti-rente, vodne naknade, naknade za korištenje šuma, prihodi od uplata stranaka za komisije trebali bi se realizovati oni rashodi na osnovu kojih se i ubire vrsta prihoda kao i oni rashodi koji se mogu realizovati iz predmetne vrste posebnih naknada kao što je ulaganje u infrastrukturu ali sve u granicama planiranih sredstava za te namjene.

Općina Velika Kladuša još uvijek ima kreditno zaduženje samo za projekat kanalizacije gdje je u 2011. godini zaključen ugovor sa Federalnim ministarstvom finansija na ukupan iznos od 3.300.000 Eura a na period otplate od 25 godina. Sva odobrena sredstva nisu povučena, a Općina od 2018. godine otplaćuje isti u dvije tranše godišnje. Planirana godišnja obaveza za period 2027-2029. godine iznosi 386.292. hiljada konvertibilnih maraka što se odnosi na iznos glavnice i kamate za tri godine.

Međutim, u procesu je još jedno značajno zaduženje Općine Velika Kladuša koje se odnosi također na projekat kanalizacije gdje bi se kredit realizovao kod Evropske banke za obnovu i razvoj. Općinsko vijeće je krajem prošle godine dalo saglasnost na zaduženje u iznosu od 8.600.000 Eura. Kako nadležno Federalno ministarstvo finansija treba dati svoju saglasnost na isto, još uvijek je u toku koordinacija na relaciji banka – ministarstvo - općina. S obzirom da će biti odobren grejs period u otplati kreditne obaveza na period 4 godine, obaveze po predmetnom kreditu za period 2027-2029. godina iznose 346.968 KM konvertibilnih maraka što se odnosi na iznos naknade za obradu kredita i iznos troška za nepovučena sredstva u prvoj godini, kamate i troška za nepovučena sredstva u naredne dvije godine.

U slijedećoj tabeli dat je zbirni pregled rashoda i izdataka svih budžetskih korisnika iz budžetskih sredstava po ekonomskim kategorijama za period 2027-2029. godina sa odvojenim podacima za plaće, materijalne troškove, tekuće i kapitalne transfere i kapitalne izdatke.

E.KOD	VRSTA RASHODA	IZVRŠENJE 2025	PLAN 2026	PROJEKCIJA 2027	PROJEKCIJA 2028	PROJEKCIJA 2029
	<b>UKUPNO:</b>	<b>21.681.789</b>	<b>39.274.077</b>	<b>29.501.689</b>	<b>28.537.422</b>	<b>29.653.350</b>
	RASHODI I IZDACI:					
	UKUPNO (A+B):	21.681.789	39.274.077	29.501.689	28.537.422	29.653.350
<b>610000</b>	<b>A.TEKUĆI IZDACI</b>	<b>18.879.810</b>	<b>25.731.410</b>	<b>23.622.789</b>	<b>23.040.445</b>	<b>22.760.087</b>
<b>611000</b>	<b>PLATE I NAKNADE TROŠKOVA ZAPOSLENIH</b>	<b>5.555.919</b>	<b>7.148.561</b>	<b>7.621.257</b>	<b>7.790.957</b>	<b>7.856.474</b>
611100	Bruto plate i naknade	4.114.712	5.342.902	5.740.107	5.877.357	5.934.074
611200	Naknade tr.zaposlenih	1.441.207	1.805.659	1.881.150	1.913.600	1.922.400
<b>612000</b>	<b>DORPINOSI POSLODAVCA</b>	<b>337.330</b>	<b>561.816</b>	<b>350.787</b>	<b>371.108</b>	<b>397.513</b>
612100	Doprinosi poslodavca	337.330	561.816	350.787	371.108	397.513
<b>613000</b>	<b>IZDACI ZA MATERIJAL I USLUGE</b>	<b>4.525.448</b>	<b>6.736.786</b>	<b>5.650.945</b>	<b>5.419.080</b>	<b>5.409.700</b>
<b>614000</b>	<b>TEKUĆI TRANSFERI</b>	<b>7.564.937</b>	<b>8.690.200</b>	<b>7.604.800</b>	<b>7.924.300</b>	<b>7.771.400</b>
<b>615000</b>	<b>KAPITALNI TRANSFERI</b>	<b>862.576</b>	<b>2.534.047</b>	<b>2.315.000</b>	<b>1.455.000</b>	<b>1.155.000</b>
<b>616000</b>	<b>IZDACI ZA KAMATE</b>	<b>33.600</b>	<b>60.000</b>	<b>80.000</b>	<b>80.000</b>	<b>170.000</b>
<b>820000</b>	<b>B.KAPITALNI IZDACI</b>	<b>2.801.979</b>	<b>13.442.667</b>	<b>5.778.900</b>	<b>5.396.977</b>	<b>6.793.263</b>
821000	IZDACI ZA NABAVKU STALNIH SREDSTAVA	2.729.548	13.362.667	5.575.680	5.288.357	6.701.843
822000	IZDACI ZA FINACIJSKU IMOVINU					
823000	IZDACI ZA OTPLATU DUGOVA	72.431	80.000	203.220	108.620	91.420
	<b>C.TEKUĆA REZERVA</b>		<b>100.000</b>	<b>100.000</b>	<b>100.000</b>	<b>100.000</b>

Tabela 8. Rashodi i izdaci budžeta općine Velika Kladuša za period 2027-2029. godina

U skladu sa članom 18. Zakona o budžetima u Federaciji Bosne i Hercegovine („Sl. Novine Federacije BiH“, br. 102/13, 9/14, 13/14, 8/15, 9/15, 102/15, 104/16, 5/18, 11/19, 99/19 i 25a/22, 7/25 i 6/26) nakon usvajanja DOB-a od strane Općinskog načelnika, ovaj dokument bit će objavljen na web stranici Općine Velika Kladuša i dostavljen Općinskom vijeću općine Velika Kladuša, uz Nacrt budžeta za 2027. godinu.

Prilog ovom dokumentu su tabele rashoda prikazane analitički po budžetskim korisnicima.

Velika Kladuša, 30.06.2026. godine  
Broj: 02-11/2-2057/26

